



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
ՈՒՄԻՆ

» 03 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0 0 5 4 - 2 1

Ձեռնարկողը՝

«Ցեղիկ Տեխնոլոջի» ՍՊԸ

ք. Երևան Հաղթանակ թաղ. 1-ին փ. 70 տարածք

Գործունեությունը՝

Նոյեմբերյանի ցեղիկային փուֆերի հանքավայրի «Նոր Կողբ»
տեղամասի հարավ-արևելյան թևի հարակից տեղամասում
2021-2023թ.թ. իրականացվելիք երկրաբանական
ուսումնասիրության շրջակա միջավայրի վրա ազդեցության
նախնական գնահատման հայր

Տավուշի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 7 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ **0 0 5 4 - 2 1**

<**17**> **03** 2021թ.

**Տավուշի մարզի Նոյեմբերյանի ցեղիտային տուֆերի հանքավայրի «Նոր Կողբ»
տեղամասի հարավ- արևելյան թևի հարակից տեղամասում 2021-2023թ.թ.
իրականացվելիք երկրաբանական ուսումնասիրության շրջակա միջավայրի վրա
ազդեցության նախնական գնահատման հայտ**

Ձեռնարկող՝

«Ցեղիտ Տեխնոլոջի» ՍՊԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ

Գործունեության կատեգորիա

/Գ կատեգորիա/

Գտնվելու վայրը՝

Տավուշի մարզ, Կողբ համայնք

Ներածական մաս. Հայցվող տեղամասը գտնվում է Տավուշի մարզի Կողբ համայնքի վարչական տարածքում, կողք գյուղից մոտ 8.4կմ դեպի հյուսիս-արևելք: Մոտակա բնակավայրերն են Բերդավան (6.4կմ), Զորական (6.2կմ): Ուսումնասիրվող տարածքը բնակավայրերի հետ կապված է գրունտային և ասֆալտապատ ճանապարհներով:

Ուսումնասիրվող տեղամասի հողերը արդյունաբերության, ընդերքօգտագործման և այլ արտադրական նշանակության հողեր են:

Նախատեսվող գործունեությունը համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 2-րդ կետի ա. ենթակետի, հանդիսանում է Գ կատեգորիայի գործունեության տեսակ:

Նկարագրական մաս. Ցեղիտ Տեխնոլոջի» ՍՊ Ընկերությունը նախատեսում է ուսումնասիրել Տավուշի մարզի Նոյեմբերյանի ցեղիտային տուֆերի հանքավայրի «Նոր Կողբ» տեղամասի հարավ - արևելյան թևի ցեղիտակիր ապարների քանակական և որակական հատկությունները, հետագայում դրանք շահագործելու նպատակով:



Հայցվող տեղամասը գրադեցնում է 31.7 հա մակերես և սահմանափակված է հետևյալ ծայրակետային կոորդինատներով՝ ARMWGS 84 (ARMREF 02) համակարով):

1.	X = 4569522	Y=8498505
2.	X = 4569653	Y=8498423
3.	X= 4569975	Y=8498667
4.	X= 4570178	Y= 8499104
5.	X= 4570084	Y= 8499228
6.	X= 4570175	Y=8499348
7.	X= 4570297	Y= 8499393
8.	X= 4570309	Y=8499516
9.	X= 4570249	Y=8499561
10.	X=4569946,	Y=8499357
11.	X=4569865	Y=8499071
12.	X= 4569608	Y=8498779

Հետախուզման մեթոդիկան ընտրելիս հաշվի են առնվել օգտակար հանածոյի մարմնի ձևաբանությունը, տեղադիրքը, տեղամասի երկրաբանական կառուցվածքը, երկրաբանահետախուզական աշխատանքների կատարման լեռնատեխնիկական պայմանները, ռելիեֆի ձևն ու մերկացվածության աստիճանը, ինչպես նաև նախկինում հանքավայրի տարածքում իրականացված հետախուզական աշխատանքների փորձը:

Հորատման աշխատանքներն կիրականացվեն սյունակային թեք հորատանցքերի հորատման միջոցով: Հորատումը կկատարվի 132 և 112 մմ տրամագծերով կարծր համաձուլվածքի թագիկներով, URB 2.5A (Zil-131) տիպի ինքնագնաց հորատող հաստոցով: Նախատեսվում է հորատող հաստոցի 10 տեղակայում և տեղահանում:

Հորատանցքերը հորատվելու են 200մ խտությամբ հետախուզական ցանցով, թեք՝ այնպես, որ հորատանցքերն ու հանքային մարմինները միմյանց հատվեն որքան հնարավոր է ուղղահայաց:

Նախատեսվում է հորատել 10 հորատանցք 60մ միջին խորությամբ: Հորատանցքերի ընդհանուր ծավալը կկազմի մոտ 600զծ.մ:

Հորատվող ապարներն ըստ հորատելիության աստիճանի համապատասխանում են հետևյալ կարգերին.

- ժամանակակից էյլովիալ-դեյլովիալ առաջացումներ՝ – IV կարգ,
- ուժեղ ճեղքավորված, մասամբ հողմահարված ցեոլիտակիր տուֆեր – VI կարգ,
- թարմ, թույլ ճեղքավոր ցեոլիտակիր տուֆեր – VII կարգ,

Մակերեսում հանքային մարմինները նախատեսվում են ուսումնասիրել հետախուզական առումներով և մաքրվածքներով:

Առումների խորությունը պայմանավորված է հանքային մարմինները ծածկող հողի կամ նստվածքի շերտի հզորությամբ: Հետախուզական առումների խորությունները միջինը հաշվվում է 0.5մ, իսկ լայնությունը՝ 0.8մ է:



Նախատեսվում է անցնել վեց մագիստրալ հետախուզական առու մոտ 1300գծ.մ ընդհանուր երկարությամբ, որոնց ծավալը կազմելու է մոտ 520մ³:

Ջերմոցներում, անասնապահական ֆերմաներում, թռչնաբուծարաններում և փորձարարական լաբորատորիաներում փորձարկումներ անելու նպատակով նախատեսվում է արդյունահանել մոտ 100տ ցեոլիտային տուֆ: Նշված քանակով ցեոլիտային տուֆ արդյունահանելիս անհրաժեշտ է իրականացնել մոտ 100մ³ մակաբացում: Մակաբացման գործակիցը ընդունվում է՝ 1մ³/տ:

Երկրաբանական փաստագրման աշխատանքները կատարվելու են 1:100 մասշտաբով: Այդ աշխատանքների ծավալները հետևյալն են ըստ տեսակների.

- հորատահանուկի փաստագրում – 600գծ.մ,
- հետախուզական առուների և մաքրվածքների փաստագրում – 1300գծ.մ,
- փորձնական բացահանքի փաստագրում – 10գծ.մ

Նմուշարկումն իրականացվելու է հորատանցքերի հորատահանուկից, հետախուզական առուներից, մաքրվածքներից և փորձնական բացահանքից:

Հայցվող տեղամասի հարևանությամբ գտնվող «Նոր կողբ» տեղամասում առանձնացվում են 4 ցեոլիտակիր շերտեր, որոնց ընդհանուր հաստությունը գնահատված է 30մ:

Հորատահանուկի նմուշարկումը իրականացվելու է հատված հանքային մարմնի անընդհատ տիրույթներով: Սեկցիայի երկարությունը սահմանել 5մ, որը կարող է նվազեցվել մինչև 3մ հանքային մարմնի տեղադիրքից ու կառուցվածքից կախված: Ընդհանուր առմամբ նախատեսվում է հորատանցքերից վերցնել 40 հանուկային նմուշ:

Փորձնական հանույթի բացահանքից նախատեսվում է վերցնել 1 համախառն նմուշ 100տ քաշով, փորձարկումներ իրականացնելու համար:

Ապարների քիմիական կազմը և պետրոգրաֆիան որոշելու համար նախատեսվում է վերցնել 10 կետային նմուշ տարբեր խորություններից:

Այսպիսով հետախուզվող տեղամասից հորատանցքերից, հետախուզական առուներից ու փորձնական բացահանքից նախատեսվում է վերցնել 91 ակոսային, կետային և համախառն նմուշ:

Վերցված բոլոր նմուշները պետք է ենթարկվեն համապատասխան լաբորատոր ուսումնասիրությունների և փորձարկումների ԵՊՀ Աշխարհագրության և երկրաբանության ֆակուլտետի, «Անալիտիկ» ՓԲԸ-ի լաբորատորիաներում, ջերմոցային տնտեսություններում, անասնապահական և թռչնաբուծական տնտեսություններում:

Տեղամասի ինժեներաերկրաբանական և հիդրոերկրաբանական պայմանների վերհանման ինչպես նաև հարևան տարածքների գեոդինամիկ երևույթների առկայությունը պարզաբանելու նպատակով նախատեսվում է հետախուզական փորվածքների անցման ընթացքում իրականացնել դիտարկումներ և տեղազննում:

Ծրագրով նախատեսված հիմնական աշխատանքներին զուգընթաց իրականացվելու է ռադիոակտիվ տարրերի զանգվածային որոնումներ:

Օգտակար հանածոյի ճառագայթափիզիկական հատկությունների գնահատման համար նախատեսվում է հետախուզվող տեղամասում կատարել ապարների ռադիոմետրական չափումներ:



Դաշտային աշխատանքների ընթացքում պարբերաբար 15-20 օրը մեկ նախատեսվում է իրականացնել ռադիոչափերի СП-68-02 էտալոնացում և զգայունության ստուգում:

Երկրաբանական հետախուզական աշխատանքների համար կառուցվելու է մոտ 1600գծ.մ (4800մ²) մոտեցման ճանապարհ և 10 հորատման հարթակ 400մ² ընդհանուր մակերեսով: Հողային աշխատանքների ընդհանուր ծավալը կկազմի 4040մ³:

Աշխատանքներն իրականացվելու են CAT D6H մակնիշի բուլդոզերով, պայմանագրային հիմունքներով:

Երկրաբանահետախուզական աշխատանքների անվտանգությունն ապահովելու նպատակով նախատեսվում է իրականացնել անվտանգության տեխնիկական հրահանգի բոլոր պահանջները:

Ջրային ռեսուրսների աղտոտում տեղի չի ունենալու, քանի որ տեղամասում ստորերկրյա ջրերը բացակայում են, իսկ հետախուզական աշխատանքների տեխնոլոգիայով արտահոսքեր չեն նախատեսվում:

Այսպիսով ճանապարհների, հորատման հարթակների, հետախուզական առուների և փորձնական բացահանքի անցման ժամանակ խախտվելու է 6291մ² մակերես, որտեղից հանվելու է մոտ 4720մ³ լեռնային զանգված, որից մոտ 600մ³-ը հողաբուսական շերտի ծավալն է:

Ռեկուլտիվացիայի ենթակա հողերի ծավալը հաշվարկվում է հորատահարթակների, հետախուզական առուների և փորձնական բացահանքի մակերեսի չափով, քանի որ ճանապարհները հետագայում օգտագործվելու են:

Սկզբում փորվածքի մակերեսին լցվում և հարթեցվում են էյլովիալ-դեյլովիալ առաջացումները, որից հետո դրանք ծածկվում են մոտ 0.2մ հաստությամբ հողաբուսական շերտով: Հողի շերտի փռումը կատարվելու է ձեռքով, իսկ էյլովիալ-դեյլովիալ առաջացումները՝ տեխնիկական միջոցներով:

Հողի շերտի վերականգնումից հետո նախատեսվում է իրականացնել նաև կենսաբանական ռեկուլտիվացիա:

Վերականգնման ենթական ռելիեֆի մակերեսը կկազմի 1491մ² իսկ պահանջվող լեռնային զանգվածի ծավալը կլինի 875մ³:

Ռելիեֆի վերականգնման՝ ռեկուլտիվացիայի գումարը կկազմի՝ $875մ^3 \times 1500 \text{ դրամ} = 1312.5 \text{ հազ. դրամ}$:

Անմիջապես երևակման տարածքում ՀՀ բույսերի և կենդանիների Կարմիր գրքերում գրանցած բույսեր և կենդանիներ ինչպես նաև դրանց աճելավայրեր կամ ապրելավայրեր չեն արձանագրվել, բնության հատուկ պահպանվող տարածքը «Զիկատար» պետական արգելավայրն է, որը գտնվում է հանքավայրից 11կմ հեռավորության վրա, ամենամոտ բնության հուշարձանը «Փայտասար» քարանձավների համալիրն է, որը գտնվում է Կողբ գյուղից 4 կմ դեպի հարավ:

Նախատեսվում է շրջակա միջավայրի վրա հնարավոր ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում՝

- տարածքում աշխատող տեխնիկան լիցքավորել մոտակա լիցքավորման կայանում, բացառելով նավթամթերքների պահեստավորում տարածքում,



- դիզեյնային շարժիչների սպասարկումը կազմակերպել տեխ. սպասարկման կայաններում:
 - կենցաղային աղբի տեղափոխվում մոտակա աղբահավաք կետեր,
 - տարածքում աշխատող տեխնիկան պարտադիր պետք է լինեն սարքին վիճակում և ունենան արտաթորվող թունավոր նյութերի չեզոքացուցիչ և ծայնախլացուցիչ սարքեր,
 - փոշենստեցման նպատակով փոշեռաջացման օջախի մուտքային ավտոճանապարհի ջրում տարվա չոր և շոգ եղանակներին: Ջուրը նախատեսվում է բերել համապատասխան ջրօգտագործման պայմանագրերի համաձայն՝ կողք գյուղի ջրամատակարարման ցանցերից,
 - կեղտաջրերի հավաքում սեպտիկ հորում, որը դատարկում է հատուկ ծառայության ուժերով,
 - անվտանգության նկատառումներից ելնելով նախատեսվում է աշխատանքների իրականացման տարածքների մեկուսացում/ցանկապատում/,
 - կենդանական և բուսական աշխարհի պահպանությանն ուղղված միջոցառումներ,
 - աշխատանքների ավարտից հետո կկատարվի խախտված տարածքների ռեկուլտիվացիա,
- Երկրաբանական ուսումնասիրության աշխատանքների ընթացքում «Ցեոլիտ Տեխնոլոջի» ՍՊ ընկերությունը իրականացնելու է շրջակա միջավայրի վրա բացասական ազդեցության կանխարգելմանը և մեղմացմանն ուղղված հետևյալ մշտադիտարկումները.
- մթնոլորտային օդ կատարվող աղտոտող նյութերի արտանետումների որակական և քանակական պարամետրերի պարբերական չափումներ, շաբաթական մեկ անգամ հաճախականությամբ,
 - լեռնատրանսպորտային սարքավորումների աշխատանքային վիճակի՝ մասնավորապես չեզոքացուցիչ սարքավորումների սարքին վիճակի պարբերական մշտադիտարկումներ, տարին մեկ անգամ հաճախականությամբ,
 - օգտագործված մեքենայական յուղերով ու քսայուղերով, աղտոտիչ նյութերով հայցվող տեղամասի հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ:

Բնապահպանական միջոցառումների (մշտադիտարկումների) համար նախատեսվում է տարեկան մասնահանել առնվազն 100.0 հազ.դրամ:

Պատճառաբանական մաս. Տավուշի մարզի Կողբ համայնքում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի, պաշտպանության նախարարությունները ինչպես նաև Տավուշի մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն երկրաբանական ուսումնասիրության աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:



- ## ԵԶՐԱՓԱԿԻՉ ՄԱՍ

«Տեղիտ Տեխնոլոջի» ՍՊԸ կողմից ներկայացված Տավուշի մարզի Նոյեմբերյանի ցեղիտային տուֆերի հանքավայրի «Նոր Կողբ» տեղամասի հարավ- արևելյան թևի հարակից տեղամասում 2021-2023թ.թ. իրականացվելիք երկրաբանական ուսումնասիրության շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Մասնագետ՝

Հ. Մեսրոպյան